

大般若波羅蜜多經卷第四百四十三

唐三藏法師玄奘奉 詔譯

第二分示相品第四十七之二

爾時佛告諸天眾言。如是如是。如汝所說。諸天當知。一切法相。如來如實覺爲無相。謂變礙是色相。如來如實覺爲無相。領納是受相。如來如實覺爲無相。取像是想相。如來如實覺爲無相。造作是行相。如來如實覺爲無相。了別是識相。如來如實覺爲無相。苦惱聚是蘊相。如來如實覺爲無相。生長門是處相。如來如實覺爲無相。多毒害是界相。如來如實覺爲無相。

能惠捨。是布施波羅蜜多相。如來如實覺爲無相。無  
熱惱。是淨戒波羅蜜多相。如來如實覺爲無相。不忿  
恚。是安忍波羅蜜多相。如來如實覺爲無相。不可屈  
是精進波羅蜜多相。如來如實覺爲無相。無散亂。是  
靜慮波羅蜜多相。如來如實覺爲無相。無執著。是般  
若波羅蜜多相。如來如實覺爲無相。無所有。是內空  
等相。如來如實覺爲無相。不顛倒。是真如等相。如來  
如實覺爲無相。不虛妄。是四聖諦相。如來如實覺爲  
無相。無憂惱。是四靜慮相。如來如實覺爲無相。無限  
礙。是四無量相。如來如實覺爲無相。無誼襍。是四無

色定相。如來如實覺爲無相。無繫縛。是八解脫相。如來如實覺爲無相。能制伏。是八勝處相。如來如實覺爲無相。能寂靜。是九次第定相。如來如實覺爲無相。無邊際。是十遍處相。如來如實覺爲無相。能出離。是三十七菩提分法相。如來如實覺爲無相。能遠離。是空解脫門相。如來如實覺爲無相。無取著。是無相解脫門相。如來如實覺爲無相。無所求。是無願解脫門相。如來如實覺爲無相。攝淨住。是三乘十地相。如來如實覺爲無相。趣大覺。是菩薩十地相。如來如實覺爲無相。能觀照。是五眼相。如來如實覺爲無相。無滯

礙。是六神通相。如來如實覺爲無相。難屈伏。是如來  
十力相。如來如實覺爲無相。無怯懼。是四無所畏相。  
如來如實覺爲無相。無斷絕。是四無礙解相。如來如  
實覺爲無相。與利樂。是大慈相。如來如實覺爲無相。  
拔衰苦。是大悲相。如來如實覺爲無相。慶善事。是大  
喜相。如來如實覺爲無相。棄襍穢。是大捨相。如來如  
實覺爲無相。餘絕分。是十八不共法相。如來如實  
覺爲無相。能嚴飾。是相好相。如來如實覺爲無相。能  
憶念。是無忘失法相。如來如實覺爲無相。無所執。是  
恆住捨性相。如來如實覺爲無相。遍攝持。是一切陀

羅尼門相。如來如實覺爲無相。遍攝受。是一切三摩地門相。如來如實覺爲無相。善受教。是四沙門果相。如來如實覺爲無相。自開悟。是獨覺菩提相。如來如實覺爲無相。能辦大事。是一切菩薩摩訶薩行相。如來如實覺爲無相。具大作用。是諸佛無上正等菩提相。如來如實覺爲無相。現正等覺。是一切智相。如來如實覺爲無相。極善通達。是道相智相。如來如實覺爲無相。現等別覺。是一切相智相。如來如實覺爲無相。諸天當知一切如來應正等覺。於如是等一切法相。皆能如實覺爲無相。是故我說一切如來應正等

覺智見無礙。無與等者。爾時世尊告具壽善現曰。善現。當知甚深般若波羅蜜多。是諸佛母。甚深般若波羅蜜多。能示世間諸法實相。是故如來應正等覺。依法而住。供養恭敬。尊重讚歎。攝受護持。所依住法。此法卽是甚深般若波羅蜜多。一切如來應正等覺。無不依止甚深般若波羅蜜多。供養恭敬。尊重讚歎。攝受護持。何以故。善現。一切如來應正等覺。皆因如是甚深般若波羅蜜多而得生長。甚深般若波羅蜜多。與諸如來應正等覺。作所依處。能示世間諸法實相。善現。當知一切如來應正等覺。是知恩者。能報恩者。

善現。若有問言。誰是知恩。能報恩者。應正荅言。佛是知恩。能報恩者。何以故。一切世間知恩報恩。無過佛。故。時具壽善現白佛言。世尊。云何如來應正等覺。知恩報恩。佛言。善現。一切如來應正等覺。乘如是乘。行如是道。來至無上正等菩提。得菩提已。於一切時。供養恭敬。尊重讚歎。攝受護持。是乘是道。常無暫廢。此乘此道。當知卽是甚深般若波羅蜜多。善現。是名如來應正等覺。知恩報恩。復次。善現。一切如來應正等覺。無不皆依甚深般若波羅蜜多。覺一切法皆無作用。以能作者無所有故。一切如來應正等覺。無不皆



依甚深般若波羅蜜多。覺一切法無所成辦。以諸形質不可得故。善現。以諸如來應正等覺。知依如是甚深般若波羅蜜多。覺一切法。皆無作用無所成辦。於一切時。供養恭敬。尊重讚歎。攝受護持。曾無間斷。故名真實。知恩報恩。復次。善現。一切如來應正等覺。無不皆依甚深般若波羅蜜多。於一切法無作無成。無生智轉。復能知此無轉因緣。是故應知甚深般若波羅蜜多。能生如來應正等覺。亦能如實示世間相。爾時具壽善現白佛言。世尊。如來常說一切法性。無生無起。無知無見。如何可說甚深般若波羅蜜多。能生



如來應正等覺。能示世間諸法實相。佛告善現。如是如是。如汝所說。一切如來應正等覺。說一切法無生無起。無知無見。依世俗說。甚深般若波羅蜜多。能生如來應正等覺。亦能如實示世間相。時具壽善現白。佛言。世尊。云何諸法無生無起。無知無見。佛言。善現。以一切法空無所有。皆不自在。虛誑不堅。故一切法無生無起。無知無見。復次。善現。一切法性無所依止。無所繫屬。由此因緣。無生無起。無知無見。善現。當知甚深般若波羅蜜多。雖生如來應正等覺。亦能示現世間實相。而無所生。亦無所示。善現。當知甚深般若

波羅蜜多。不見色。故名示色相。不見受想行識。故名示受想行識相。不見眼處。故名示眼處相。不見耳鼻舌身意處。故名示耳鼻舌身意處相。不見色處。故名示色處相。不見聲香味觸法處。故名示聲香味觸法處相。不見眼界。故名示眼界相。不見耳鼻舌身意界。故名示耳鼻舌身意界相。不見色界。故名示色界相。不見聲香味觸法界。故名示聲香味觸法界相。不見眼識界。故名示眼識界相。不見耳鼻舌身意識界。故名示耳鼻舌身意識界相。不見眼觸。故名示眼觸相。不見耳鼻舌身意觸。故名示耳鼻舌身意觸相。不見

眼觸爲緣所生諸受。故名示眼觸爲緣所生諸受相。不見耳鼻舌身意觸爲緣所生諸受。故名示耳鼻舌身意觸爲緣所生諸受相。不見地界。故名示地界相。不見水火風空識界。故名示水火風空識界相。不見無明。故名示無明相。不見行識名色六處觸受愛取有生老死愁歎苦憂惱。故名示行乃至老死愁歎苦憂惱相。不見布施波羅蜜多。故名示布施波羅蜜多相。不見淨戒安忍精進靜慮般若波羅蜜多。故名示淨戒乃至般若波羅蜜多相。不見內外空空。大空勝義空。有爲空。無爲相。不見外空。內外空空。大空勝義空。有爲空。無爲

空。畢竟空。無際空。散無散空。本性空。自共相空。一切  
法空。不可得空。無性空。自性空。無性自性空。故名示  
外空。乃至無性自性空相。不見眞如。故名示眞如相。  
不見法界法性。不虛妄性。不變異性。平等性。離生性。  
法定法住。實際虛空界。不思議界。故名示法界。乃至  
不思議界相。不見苦聖諦。故名示苦聖諦相。不見集  
滅道聖諦。故名示集滅道聖諦相。不見四靜慮。故名  
示四靜慮相。不見四無量四無色定。故名示四無量  
四無色定相。不見八解脫。故名示八解脫相。不見八  
勝處九次第定十遍處。故名示八勝處九次第定十

遍處相。不見四念住。故名示四念住相。不見四正斷。四神足。五根。五力。七等覺支。八聖道支。故名示四正斷。乃至八聖道支相。不見空解脫門。故名示空解脫門相。不見無相無願解脫門。故名示無相無願解脫門相。不見三乘十地。故名示三乘十地相。不見菩薩十地。故名示菩薩十地相。不見五眼。故名示五眼相。不見六神通。故名示六神通相。不見如來十力。故名示如來十力相。不見四無所畏。四無礙解。大悲。大喜。大捨。十八佛不共法。故名示四無所畏。乃至十八佛不共法相。不見三十二大士相。故名示三十二

大士相相。不見八十隨好。故名示八十隨好相。不見無忘失法。故名示無忘失法相。不見恆住捨性。故名示恆住捨性相。不見一切陀羅尼門。故名示一切陀羅尼門相。不見一切三摩地門。故名示一切三摩地門相。不見預流果。故名示預流果相。不見一來不還阿羅漢果。獨覺菩提。故名示一來不還阿羅漢果。獨覺菩提相。不見一切菩薩摩訶薩行。故名示一切菩薩摩訶薩行相。不見諸佛無上正等菩提。故名示諸佛無上正等菩提相。不見一切智。故名示一切智相。不見道相智。一切相智。故名示道相智。一切相智相。

善現。由如是義甚深般若波羅蜜多。能示世間諸法實相。名如來母。能生如來。爾時具壽善現白佛言。世尊。云何如是甚深般若波羅蜜多。不見色。故名示色相。不見受想行識。故名示受想行識相。如是乃至不見一切智。故名示一切智相。不見道相智。一切相智。故名示道相智。一切相智相。佛告善現。甚深般若波羅蜜多。由不緣色而生於識。是爲不見色。故名示色相。不緣受想行識而生於識。是爲不見受想行識。故名示受想行識相。如是乃至由不緣一切智而生於識。是爲不見一切智。故名示一切智相。不緣道相智。



一切相智而生於識。是爲不見道相智一切相智。故名示道相智一切相智相。善現。由如是義甚深般若波羅蜜多。能示世閒諸法實相。名如來母。能生如來。復次。善現。甚深般若波羅蜜多。能爲如來顯世閒空。故名如來母。能示如來世閒實相。時具壽善現白佛言。世尊。云何如是甚深般若波羅蜜多。能爲如來顯世閒空。佛言。善現。甚深般若波羅蜜多。能爲如來顯色世閒空。顯受想行識世閒空。顯眼處世閒空。顯耳鼻舌身意處世閒空。顯色處世閒空。顯聲香味觸法處世閒空。顯眼界世閒空。顯耳鼻舌身意界世閒空。

顯色界世閒空。顯聲香味觸法界世閒空。顯眼識界  
世閒空。顯耳鼻舌身意識界世閒空。顯眼觸世閒空。  
顯耳鼻舌身意觸世閒空。顯眼觸爲緣所生諸受世  
閒空。顯耳鼻舌身意觸爲緣所生諸受世閒空。顯地  
界世閒空。顯水火風空識界世閒空。顯十二支緣起  
世閒空。顯我見爲根本六十二見世閒空。顯十善業  
道世閒空。顯四靜慮世閒空。顯四無量四無色定世  
閒空。顯布施波羅蜜多世閒空。乃至顯般若波羅蜜  
多世閒空。顯內空世閒空。乃至顯無性自性空世閒  
空。顯苦聖諦世閒空。顯集滅道聖諦世閒空。顯八解

脫世閒空。顯八勝處九次第定十遍處世閒空。顯四  
念住世閒空。乃至顯八聖道支世閒空。顯空解脫門  
世閒空。顯無相無願解脫門世閒空。顯三乘十地世  
閒空。顯菩薩十地世閒空。顯五眼世閒空。顯六神通  
世閒空。顯佛十力世閒空。乃至顯十八佛不共法世  
閒空。顯三十二大士相世閒空。顯八十隨好世閒空。  
顯無忘失法世閒空。顯恆住捨性世閒空。顯一切陀  
羅尼門世閒空。顯一切三摩地門世閒空。顯預流果  
世閒空。乃至顯獨覺菩提世閒空。顯一切菩薩摩訶  
薩行世閒空。顯諸佛無上正等菩提世閒空。顯一切

智世閒空。顯道相智。一切相智。世閒空。善現。由如是義。甚深般若。波羅蜜多。能示如來世閒實相。名如來母。能生如來。復次。善現。一切如來。應正等覺。依深般若。波羅蜜多。能爲世閒顯色。世閒空。顯受想行識。世閒空。如是。乃至顯一切智。世閒空。顯道相智。一切相智。世閒空。令諸世閒。受世閒空。想世閒空。思世閒空。了世閒空。善現。由如是義。甚深般若。波羅蜜多。能示如來。應正等覺。世閒實相。名如來母。能生如來。復次。善現。甚深般若。波羅蜜多。能使如來。應正等覺。見世閒空。見何等世閒空。謂見色。世閒空。見受想行識。世

開空。如是乃至見一切智世閒空。見道相智一切相  
智世閒空。善現。由如是義甚深般若波羅蜜多。能示  
如來應正等覺世閒實相。名如來母能生如來。復次。  
善現。甚深般若波羅蜜多。能示如來應正等覺世閒  
不可思議相。名如來母。能示如來世閒實相。時具壽  
善現。白佛言。世尊。云何如是甚深般若波羅蜜多。能  
示如來應正等覺世閒不可思議相。佛言。善現。甚深  
般若波羅蜜多。能示如來應正等覺。色世閒不可思  
議相。受想行識世閒不可思議相。如是乃至一切智  
世閒不可思議相。道相智一切相智世閒不可思議

相善現。由如是義甚深般若波羅蜜多。能示如來應正等覺世閒實相。名如來母。能生如來。復次善現。甚深般若波羅蜜多。能示如來應正等覺世閒遠離相。名如來母。能示如來。應正等覺。云何如是甚深般若波羅蜜多。能示如來應正等覺。世閒遠離相。佛言善現。甚深般若波羅蜜多。能示如來應正等覺。世閒遠離相。受想行識世閒遠離相。如是乃至一切智世閒遠離相。道相智一切相智世閒遠離相。善現。由如是義甚深般若波羅蜜多。能示如來應正等覺世閒實相。名如來母。能生如來。

復次善現甚深般若波羅蜜多能示如來應正等覺世閒寂靜相名如來母能示如來世閒實相時具壽善現白佛言世尊云何如是甚深般若波羅蜜多能示如來應正等覺世閒寂靜相佛言善現甚深般若波羅蜜多能示如來應正等覺色世閒寂靜相受想行識世閒寂靜相如是乃至一切智世閒寂靜相道相智一切相智世閒寂靜相善現由如是義甚深般若波羅蜜多能示如來應正等覺世閒實相名如來母能生如來復次善現甚深般若波羅蜜多能示如來應正等覺世閒畢竟空相名如來母能示如來世



閒實相。時具壽善現白佛言。世尊。云何如是甚深般若波羅蜜多。能示如來應正等覺世閒畢竟空相。佛言。善現。甚深般若波羅蜜多。能示如來應正等覺。色世閒畢竟空相。受想行識世閒畢竟空相。如是乃至一切智世閒畢竟空相。道相智一切相智世閒畢竟空相。善現。由如是義。甚深般若波羅蜜多。能示如來應正等覺世閒實相。名如來母。能生如來。復次。善現。甚深般若波羅蜜多。能示如來應正等覺世閒無性空相。名如來母。能示如來世閒實相。時具壽善現白佛言。世尊。云何如是甚深般若波羅蜜多。能示如來

應正等覺世閒無性空相。佛言。善現。甚深般若波羅蜜多。能示如來應正等覺。色世閒無性空相。受想行識世閒無性空相。如是乃至一切智世閒無性空相。道相智一切相智世閒無性空相。善現。由如是義。甚深般若波羅蜜多。能示如來應正等覺世閒實相。名如來母。能生如來。復次。善現。甚深般若波羅蜜多。能示如來應正等覺世閒自性空相。名如來母。能示如來世閒實相。時具壽善現白佛言。世尊。云何如是甚深般若波羅蜜多。能示如來應正等覺世閒自性空相。佛言。善現。甚深般若波羅蜜多。能示如來應正等

覺色世閒自性空相。受想行識世閒自性空相。如是  
乃至一切智世閒自性空相。道相智一切相智世閒  
自性空相。善現由如是義甚深般若波羅蜜多。能示  
如來應正等覺世閒實相。名如來母。能生如來。復次  
善現甚深般若波羅蜜多。能示如來應正等覺世閒  
無性自性空相。名如來母。能示如來世閒實相。時具  
壽善現白佛言。世尊云何如是甚深般若波羅蜜多。  
能示如來應正等覺世閒無性自性空相。佛言。善現。  
甚深般若波羅蜜多。能示如來應正等覺。色世閒無  
性自性空相。受想行識世閒無性自性空相。如是乃

至一切智世閒無性自性空相。道相智一切相智世閒無性自性空相。善現。由如是義甚深般若波羅蜜多。能示如來應正等覺世閒實相。名如來母。能生如來。復次。善現。甚深般若波羅蜜多。能示如來應正等覺世閒純空相。名如來母。能示如來世閒實相。時具壽善現白佛言。世尊。云何如是甚深般若波羅蜜多。能示如來應正等覺世閒純空相。佛言。善現。甚深般若波羅蜜多。能示如來應正等覺。色世閒純空相。受想行識世閒純空相。如是乃至一切智世閒純空相。道相智一切相智世閒純空相。善現。由如是義甚深

般若波羅蜜多。能示如來應正等覺世閒實相。名如  
來母。能生如來。復次。善現。甚深般若波羅蜜多。能示  
如來應正等覺世閒無我相。名如來母。能示如來世  
閒實相。時具壽善現白佛言。世尊。云何如是甚深般  
若波羅蜜多。能示如來應正等覺世閒無我相。佛言。  
善現。甚深般若波羅蜜多。能示如來應正等覺。色世  
閒無我相。受想行識世閒無我相。如是乃至一切智  
世閒無我相。道相智一切相智世閒無我相。善現。由  
如是義。甚深般若波羅蜜多。能示如來應正等覺世  
閒實相。名如來母。能生如來。復次。善現。甚深般若波

羅蜜多。能示如來應正等覺世閒相者。謂令不起此世閒想。亦令不起他世閒想。所以者何。以一切法皆無所有。實不可得。無可依彼起此世閒。他世閒想。爾時具壽善現白佛言。世尊。甚深般若波羅蜜多。爲大事故。出現世閒。爲不可思議事故。出現世閒。爲不可稱量事故。出現世閒。爲無數量事故。出現世閒。爲無等等事故。出現世閒。佛言。善現。如是如是。如汝所說。甚深般若波羅蜜多。爲大事故。出現世閒。爲不可思議事故。出現世閒。爲不可稱量事故。出現世閒。爲無數量事故。出現世閒。善現。

云何如是甚深般若波羅蜜多。爲大事故。出現世間。善現。一切如來應正等覺。皆以救拔一切有情。無時暫捨。而爲大事。甚深般若波羅蜜多。爲此大事故。出現世間。善現。云何如是甚深般若波羅蜜多。爲不可思議事故。出現世間。善現。一切如來應正等覺。所有正等覺性。如來性。自然覺性。一切智性。皆不可思議。甚深般若波羅蜜多。爲此不可思議事故。出現世間。善現。云何如是甚深般若波羅蜜多。爲不可稱量事故。出現世間。善現。一切如來應正等覺。所有正等覺性。如來性。自然覺性。一切智性。定無有情。數攝。



三界五趣四生攝者。可能稱量。甚深般若波羅蜜多爲此不可稱量。事故出現世間。善現。云何如是甚深般若波羅蜜多。爲無數量。事故出現世間。善現。一切如來應正等覺。所有正等覺性。如來性。自然覺性。一切智性。定無有情。數攝三界五趣四生攝者。知其數量。甚深般若波羅蜜多。爲此無數量。事故出現世間。善現。云何如是甚深般若波羅蜜多。爲無等等事故。出現世間。善現。一切如來應正等覺。所有正等覺性。如來性。自然覺性。一切智性。一切世間有情及法。尚無等者。況有能過。甚深般若波羅蜜多。爲此無

等等事故出現世間。時具壽善現復白佛言。世尊。爲  
但如來應正等覺。所有正等覺性。如來性。自然覺性。  
一切智性。不可思議。不可稱量。無數量。無等等。爲更  
有餘法耶。佛言。善現。非但如來應正等覺。所有正等  
覺性。如來性。自然覺性。一切智性。不可思議。不可稱  
量。無數量。無等等。亦有餘法。不可思議。不可稱量。無  
數量。無等等。善現。謂色亦不可思議。不可稱量。無數  
量。無等等。受想行識亦不可思議。不可稱量。無數量。  
無等等。如是乃至一切智亦不可思議。不可稱量。無  
數量。無等等。道相智一切相智亦不可思議。不可稱

量。無數量。無等等。善現。一切法。亦不可思議。不可稱  
量。無數量。無等等。善現。於一切法。眞法性。中心及心  
所。皆不可得。復次。善現。色。不可施設。不可思議。不可  
稱量。無數量。無等等性。受想行識。亦不可施設。不可  
思議。不可稱量。無數量。無等等性。如是乃至一切智。  
不可施設。不可思議。不可稱量。無數量。無等等性。道。  
相智。一切相智。亦不可施設。不可思議。不可稱量。無  
數量。無等等性。爾時。具壽善現。白佛言。世尊。何因緣  
故。色。不可施設。不可思議。不可稱量。無數量。無等等  
性。受想行識。亦不可施設。不可思議。不可稱量。無數

量無等等性。如是乃至一切智。不可施設。不可思議。不可稱量。無數量。無等等性。道相智。一切相智。亦不可施設。不可思議。不可稱量。無數量。無等等性。佛言。善現。色不可施設。思議稱量數量平等不平等性故。受想行識。亦不可施設。思議稱量數量平等不平等性故。如是乃至一切智。不可施設。思議稱量數量平等不平等性故。道相智。一切相智。亦不可施設。思議稱量數量平等不平等性故。時具壽善現。白佛言。世尊。何因緣故。色不可施設。思議稱量數量平等不平等性。受想行識。亦不可施設。思議稱量數量平等不

平等性。如是乃至一切智不可施設思議稱量數量  
平等不平等性。道相智一切相智亦不可施設思議  
稱量數量平等不平等性。佛言善現。色自性不可思  
議。不可稱量。無數量。無等等。無自性。故色不可施設  
思議。稱量數量平等不平等性。受想行識自性亦不  
可思議。不可稱量。無數量。無等等。無自性。故受想行  
識亦不可施設思議。稱量數量平等不平等性。如是  
乃至一切智自性。不可思議。不可稱量。無數量。無等  
等。無自性。故一切智不可施設思議。稱量數量平等  
不平等性。道相智一切相智自性亦不可思議。不可

稱量。無數量。無等等。無自性。故道相智一切相智亦不可施設思議稱量數量平等不平等性。復次善現。色不可得。故不可思議。不可稱量。無數量。無等等。受想行識亦不可得。故不可思議。不可稱量。無數量。無等等。如是乃至一切智不可得。故不可思議。不可稱量。無數量。無等等。道相智一切相智亦不可得。故不可思議。不可稱量。無數量。無等等。時具壽善現。白佛言。世尊。以何因緣。色不可得。故不可思議。不可稱量。無數量。無等等。受想行識亦不可得。故不可思議。不可稱量。無數量。無等等。如是乃至一切智不可得。故

不可思議不可稱量無數量無等等道相智一切相  
智亦不可得故不可思議不可稱量無數量無等等  
佛言善現色無限量故不可得不可得故不可思議  
不可稱量無數量無等等受想行識亦無限量故不  
可得不可得故不可思議不可稱量無數量無等等  
如是乃至一切智無限量故不可得不可得故不可  
思議不可稱量無數量無等等道相智一切相智亦  
無限量故不可得不可得故不可思議不可稱量無  
數量無等等時具壽善現白佛言世尊復何因緣色  
無限量故不可得受想行識亦無限量故不可得如



是乃至一切智無限量。故不可得。道相智一切相智亦無限量。故不可得。佛言。善現。色相不可思議。不可稱量。無數量。無等等。故無限量。受想行識相亦不可思議。不可稱量。無數量。無等等。故無限量。如是乃至一切智相。不可思議。不可稱量。無數量。無等等。故無限量。道相智一切相智相亦不可思議。不可稱量。無數量。無等等。故無限量。復次。善現。於意云何。色不可思議。不可稱量。無數量。無等等。中。色可得。不受想行識。不可思議。不可稱量。無數量。無等等。中。受想行識可得。不。如是乃至一切智。不可思議。不可稱量。無數量。

量無等等中。一切智可得。不道相智一切相智不可思議。不可稱量。無數量。無等等中。道相智一切相智可得。不。善現對曰。不也。世尊。不也。善逝。佛言。善現。如是。如是。由此因緣。一切法皆不可思議。不可稱量。無數量。無等等。善現。以一切法皆不可思議。不可稱量。無數量。無等等故。一切如來應正等覺。所有正等覺法。如來法。自然覺法。一切智法。亦不可思議。不可稱量。無數量。無等等。善現。一切如來應正等覺。所有正等覺法。如來法。自然覺法。一切智法。皆不可思議。思議滅故。不可稱量。稱量滅故。無數量。數量滅故。無等

等。等。等。滅。故。善。現。由。此。因。緣。一。切。法。亦。不。可。思。議。不。可。稱。量。無。數。量。無。等。等。善。現。一。切。如。來。應。正。等。覺。所。有。正。等。覺。法。如。來。法。自。然。覺。法。一。切。智。法。皆。不。可。思。議。過。思。議。故。不。可。稱。量。過。稱。量。故。無。數。量。過。數。量。故。無。等。等。過。等。等。故。善。現。由。此。因。緣。一。切。法。亦。不。可。思。議。不。可。稱。量。無。數。量。無。等。等。善。現。不。可。思。議。者。但。有。不。可。思。議。增。語。不。可。稱。量。者。但。有。不。可。稱。量。增。語。無。數。量。者。但。有。無。數。量。增。語。無。等。等。者。但。有。無。等。等。增。語。善。現。由。此。因。緣。一。切。如。來。應。正。等。覺。所。有。正。等。覺。法。如。來。法。自。然。覺。法。一。切。智。法。皆。不。可。思。議。不。可。稱。

量無數量無等等善現不可思議者。如虛空不可思議故。不可稱量者。如虛空不可稱量故。無數量者。如虛空無數量故。無等等者。如虛空無等等故。善現。由此因緣。一切如來應正等覺。所有正等覺法。如來法。自然覺法。一切智法。皆不可思議。不可稱量。無數量。無等等。善現。一切如來應正等覺。所有正等覺法。如來法。自然覺法。自然覺法。一切智法。聲聞獨覺。世間天人阿素洛等。皆悉不能思議。稱量數量等等。善現。由此因緣。一切如來應正等覺。所有正等覺法。如來法。自然覺法。一切智法。皆不可思議。不可稱量。無數量。無等等。

佛說如是不可思議不可稱量無數量無等等品時。眾中有五百苾芻不受諸漏心得解脫復有二百苾芻尼皆不受諸漏心得解脫復有六百鄔波斯迦於諸法中遠塵離垢生淨法眼復有三百鄔波斯迦亦於諸法中遠塵離垢生淨法眼復有二千菩薩摩訶薩得無生法忍於賢劫中當受佛記。

大般若波羅蜜多經卷第四百四十三

音釋

忿恚

忿房粉切恚於避切恨怒也

怯

去劫切畏懦也

不也

不音弗

鄔波索

迦

梵語也此云近事男鄔安古切鄔波斯迦

梵語也此云近事女

大般若波羅蜜多經卷四百四十三

四十二

玉三

